

# Alkitab Buat Bocah

## Nampilin



# Pangeran Nyeng Jadi Tukang Angon



Nyeng nulis: Edward Hughes

Nyeng bikin gambar: M. Maillot; Lazarus  
Alastair Paterson

Nyeng nyocokin: E. Frischbutter; Sarah S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2024 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.


1




Satu ari Musa ngeliat seorang  
Mesir mukulin budak Yahudi.  
Meski begitu Musa  
digedein dan dididik  
jadi pangeran di Istana  
Firaun, ia masih aja  
orang Yahudi. Ia  
kudu nulungin  
sesama orang  
Yahudi.

2


Sepintas ngelompok disekiteran ngeyakinin kaga orang nyeng liat, lantas Musa nyerang orang nyeng mukulin budak itu. Berantemnya nerus sampe orang Mesir itu mati. Cepet-cepet ia kuburin orang Mesir itu.



Ari berikutnya, Musa ngeliat dua orang Yahudi beklai. Ia usaha misahin mereka. Seorang bilang "Apa kamu bakal ngebunuh aku kaya kamu ngebunuh orang Mesir?" Musa ketakutan. Semua orang tau soal kejadian nyeng kemaren. Firaun juga tau. Musa kudu kabur. Ia pegih ke negara nyeng namanya Midian.



Pas Musa ngasoh di mata aer, tujuh anak gadis dari pastur di Midian dateng ngambil aer buat minum binatang piaraan bapanya.



Tukang angon-tukang angon laen berusaha ngedorong gadis-gadis itu kesamping. Musa ngejagain ama nulungin gadis-gadis itu.



"Kamu balik lebih dulu" Rehuel, bapa anak-anak gadis itu tereak. Pas anak-anaknya ngejelasin ngapah, ia bilang, "Bawa orang laki itu kemari." Musa tinggal ama Rehuel. Nyeng disebut Yitro.

Abis itu Musa nikah ama putri dari Rehuel.



Balik lagi di Mesir, Firaun mati. Anak-anak Tuhan, orang Yahudi tetep masih jadi budak.




Pegimana mereka ngedumel didalem kesusahan mereka. Pegimana mereka sembahyang sama Tuhan mohon bantuanNya.



Tuhan ngedengerin sembahyang mereka.

9

Musa kaga tau, tapi niat Tuhan pake dia buat nulungin orang-orang Yahudi nyeng jadi budak. Empat puluh taun udah liwat dari mulain Musa ninggalin tanah Mesir, Ia itu tukang angon binatang punyanya Rehuel. Tapi ia ngerasa terus-terusan keilangan bangsanya dewek,



bangsa Yahudi nyeng netep di Mesir.


10

Satu ari musa ngeliatin segumpelan cabang kayu nyeng kebakar. Tapi apinya kaga ngebakar batang-batang kayu. Musa ngambil keputusan buat nyelidikin.



11

Pas Musa ngedeketin, Allah manggil dia dari batang-batang kayu itu. "Musa" "Saya disini" jawab Musa. "Jangan deket-deket," tereak Allah. "Lepasin alas kakimu, karena tempat dimana kamu diri itu tanah suci."




12

"Aku bakal ngirim kamu kw Firaun buat ngebawa bangsaku kluar dari Mesir," Allah bertereak. Tapi Musa takut buat pegih ke Mesir.



13

Lantas Allah nunjukin Musa kekuasaanNya. Ia ngubah tungked Musa jadi ula.



14

Pas Musa megang buntut ula dan ngangkatnya, ula itu berobah jadi tungked lagi. Alah ngasih tanda lagi.



15

"Taro tangan didadamu," Ia perintah Musa. Musa ngerjain nyeng diperentahin. Tangannya berobah jadi putih dan jadi ada penyakit lepra.




16

Pas Musa ngulangin lagi gerakannya tangannya, ia jadi waras.



17

Musa masih aja kaga terima. "Saya kaga pinter ngomong," bilang Musa sama Allah. Allah jadi marah. "Saya bakal pake Harun, sodaramu, buat ngomong aja nyeng kamu omongin," bilangNya.



18

Musa balik ke Yitro, ngeringkesin barang-barangnya dan pegih ke Mesir.



19

Allah nuntun Harun sodara Musa buat nemuin dia di perbukitan. Musa nyeritain semua niat Allah soal pegimana ngebebasin bangsa Yahudi dari bangsa Mesir sama Harun.



20

Bareng-bareng, mereka ngebawa berita itu ke pembesar bangsa Yahudi. Pas Musa ngasih tau tanda-tanda sama pembesar bangsa Yahudi, mereka tau kalo Allah bakal nungulin mereka. Bareng-bareng, mereka sedeku nyembah Allah.



21

Dengan gagah Musa ama Harun ngadep Firaun. "Allah bilang, 'Bebasin bangsaku,'" bilang mereka sama Firaun.



22

"Aku kaga bakal ngebebasin bangsa Israel," Firaun ngejawab. Ia kaga patuh sama Allah. Allah kudu ngegunain kekuasaanNya nyeng gede buat ngubah jalan pikir Firaun.



23

### Pangeran Nyeng Jadi Tukang Angon

Sebuah cerita dari perkataannya Tuhan, Alkitab

Ditemuin di

Keluaran 2-5

"Palang pintu Firman Engkau ngasih terang."  
Mazmur 119:130

24

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakal ngelakuinnya! Dia bakal dateng dan idup di dalem enté ini ari, dan enté bakal idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakal pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

26

Tamat

